

[Augsburg], [vor 13. August 1570]

Von Simon Fabricius

Druck: Demosthenes, Basel 1572, VI, S. 178.

OPTIMO VIRO, HIERONYMO VVOLFIO,
compatri suo unicè colendo S.

Mitto ad te, mi optatissime compater, Orationum Demosthenicarum exemplar, in quo varias ac diuersas lectiones ex veteri manuscripto codice diligenter accurateqüe perspecto, et ad editionem Heruagianam collato, bona fide notaui, multisqüe in locis grauissimum ac eloquentissimum Oratorem foedè ac turpiter mutilatum deprauatumqüe offendit: (praeter enim innumera penè librarij menda, constructionisqüe verborum perturbationem, integros interdum versus praeteritos atque omissos reperi) quem tamen studio, opera atque industria tua perpolitum, integratatiqüe ac nitori suo restitutum, sic iam exiturum speramus, vt non multa in eius Orationibus, siue splendorem verborum, siue sententiarum ornamenta spectes, homines ingeniosi ac docti desideraturi sint. Ego tantum profectò veteris codicis antiquitati tribuo, ut is vel propter solam numerorum concinnitatem, et suavitatem admirabilem compositionis (quae in altera editione aliqua ex parte desiderari videtur) publicis sumptibus totus describendus, perulgandus atque edendus mihi esse videatur.

Nam cum unus Demosthenes, inter omnes Oratores graecos, excelleret, quòd summam prudentiam, summamqüe vim haberet dicendi: eius fulmina (vt inquit Cicero) non ita vibrassent, nisi numeris contorta ferrentur: quorum ceu lineamenta ac vestigia quaedam singularia in manuscripto codice apparere atque conspici posse existimo. Continet is liber omnes ferè Demosthenis Orationes praeter ἐπιστολὴν Φιλίππου, Δημοσθένους ἐπιστολὰς, προοίμια δημηγορικὰ, ἐπιτάφιον καὶ ἐρωτικὸν λόγον, τὸν πρῶτον καὶ δεύτερον κατὰ στεφάνου φενδομαρτυριῶν, τὸν κατὰ εὐέργου καὶ μνησιβούλου, τὸν πρὸς κάλλιππον, τὸν κατὰ νεαίρας. Scholia quoque graeca in margine notata descriptsissem, atque ad te misissem: sed video pleraque esse eadem cum ijs, quae in exemplari graeco Lutetianae editionis reperiuntur.

Reliquum est, vt ipse, quem omnes in omni iudicio elegantissimum iudicant, pro ingenio tuo singulari, praestantissimum Oratorem, artificio quodam et expolitione distinctum, notisqüe insignibus illustratum in lucem de integro nunc proferas, pristinaeqüe dignitati suaे restituas: qua re non posteritati tantùm plurimum commodabis, sed aeternum etiam virtutis, doctrinae, industriae, laborumqüe tuorum praeconium colliges, summamqüe gloriam ac laudem tibi comparabis. Vale.

Simon Fabricius Mar-
copibertanus, Francus.